

SAMÞYKKT

um kattahald á Grenivík í Grýtubakkahreppi.

1. gr.

Kattahald á Grenivík í Grýtubakkahreppi sætir þeim takmörkunum sem greinir frá í samþykkt þessari.

2. gr.

Hreppsnefnd er heimilt að veita lögráða einstaklingum sem búa á Grenivík leyfi til kattahalds. Leyfið er bundið við nafn og heimilisfang einstaklings og óheimilt er að fram-selja það. Leyfið er einnig bundið við þann kött sem sótt er um heimild fyrir hverju sinni.

Leyfi, samkvæmt 1. mgr., má veita með eftirfarandi skilyrðum á Grenivík:

- a) Ef sótt er um leyfi til að halda kött í parhúsi eða raðhúsi skal fylgja umsókn skriflegt samþykki íbúa aðliggjandi íbúða.
- b) Leyfisgjald skal greiða árlega til sveitarsjóðs eftir gjaldskrá sem sveitarstjórn setur samkvæmt ákvæðum 25. gr. laga nr. 7/1998 um hollustuhætti og mengunarvarnir, með síðari breytingum og að fenginni umsögn heilbrigðisnefndar. Gjöld mega aldrei vera hærri en nemur rökstuddum kostnaði við veitta þjónustu eða samkvæmt eftirliti með einstökum þáttum. Gjaldið skal greiða í júnímánuði ár hvert. Hafi gjaldið ekki verið greitt innan tveggja mánaða frá gjalddaga fellur leyfið sjálfkrafa úr gildi.
- c) Árlega ber leyfishafa að framvísa vottorði dýralæknis um að kötturinn hafi verið hreinsaður af spóluormum. Einnig ber að framvísa skilríkjum sem máli skipta.
- d) Leyfishafi er ábyrgur fyrir tjóni sem kettir þeirra sannarlega valda og skal leyfishafi hafa kött sinn ábyrðartryggðan hjá viðurkenndu váttryggingarfyrirtæki. Váttrygging skal ná til alls þess tjóns sem dýr hans kann að valda á mönnum og munum. Váttryggingarfjárhæð verður samkvæmt almennum skilmálum tryggingarfélaga.
- e) Kettir skulu ávallt bera merki sem veitir upplýsingar um hver er leyfishafi. Leyfishafa ber að sjá svo um að köttur hans valdi ekki hættu, óþægindum eða óþrifnaði eða raski ró manna.
- f) Óheimilt er að láta kött dvelja lengur en einn mánuð á heimili án þess að sótt sé um leyfi fyrir hann.
- g) Ekki er leyfilegt að hafa fleiri en tvo ketti eldri en þriggja mánaða á sama heimili.
- h) Eigendum og forráðamönnum katta ber að taka tillit til fuglalífs á varptíma t.d. með því að hengja bjöllu á ketti og eftir atvikum að takmarka útiveru katta.
- i) Köttum má ekki hleypa inn í fyrirtæki og stofnanir, sbr. 4. og 8. kafla og 11. og 16. kafla heilbrigðisreglugerðar, þar sem matvæli eru meðhöndluð, sbr. reglugerð um matvæli, né inn í húsnæði vatnsveitna, sbr. reglugerð um neysluvatn og ölkelduvatn.
- j) Leyfishafa ber að sjá til þess að högnar séu geltir og læður séu gerðar ófrjóar eða hafðar á pillunni, nema dýrin séu höfð til undaneldis. Séu dýrin ætluð til undaneldis, þarf sérstaklega að taka það fram í umsókn. Hæfilegt er að framkvæma ófrjósemis- aðgerð á dýrunum 6-8 mánaða gömlum.

3. gr.

Umsókn um leyfi til kattahalds skal skila inn til sveitarstjóra á þar til gerðum eyðublöðum. Með undirritun umsóknar skuldbindur umsækjandi sig til að hlíta í einu og öllu fyrirmælum samþykktar um kattahald. Sveitarstjóri synjar eða gefur út umbeðið leyfi. Sé leyfis ekki vitjað mánuði eftir að það er veitt fellur það sjálfkrafa úr gildi.

4. gr.

Sveitarstjóri skal sjá um að upplýsingar um leyfð dýr séu skráð í þar til gerða bók. Þar skal einnig skráð nafn og heimilisfang leyfishafa. Árlega skal senda heilbrigðiseftirliti skrá yfir leyfða ketti.

5. gr.

Leyfishafa ber ætíð að greiða kostnað sem leiðir af broti á samþykkt þessari.

6. gr.

Sveitarstjórn getur afturkallað leyfi til kattahalds telji hún þess brýna þörf.

7. gr.

Sveitarstjórn er heimilt að láta eyða ómerktum köttum, enda hafi framkvæmdin verið auglýst með áberandi hætti með a.m.k. sjö sólarringa fyrirvara.

8. gr.

Sé kvartað yfir ágangi katta í íbúðarhverfum er heimilt að veiða í búr og eyða ómerktum köttum eftir sjö sólarringa án þess að það sé auglýst sérstaklega.

9. gr.

Með brot á samþykkt þessari skal fara samkvæmt ákvæðum laga nr. 7/1998 um hollustuhætti og mengunarvarnir með síðari breytingum.

10 gr.

Samþykkt þessi er samin og samþykkt af hreppsnefnd Grýtubakkahrepps. Hún staðfestist hér með samkvæmt ákvæði 25. gr. laga nr. 7/1998 um hollustuhætti og mengunarvarnir, með síðari breytingum, og öðlast gildi við birtingu.

Ákvæði til bráðabirgða.

Þeir sem halda ketti nú skulu sækja um leyfi samkvæmt 2. gr. fyrir 1. nóvember 2001. Þeir sem halda ketti nú þurfa ekki að greiða skráningargjald fyrr en 2002.

Umhverfisstjórnuneytinu, 29. september 2001.

F. h. r.

Ingimar Sigurðsson.

Sigurbjörg Sæmundsdóttir.